

selbe allein auff die sonderliche Commission gemel-
te Herren Staden / neben vnd vber den mit Ihrer
Majestet auffgerichteten Vertrag wolgemeltem
Herren Graffen aufgetragen / gegründet vnd ge-
richtet gewesen.

So hat nun gedachter Oberster sonderlich durch
jehangezogene zwo scheinbarliche vrsachen / nemlich
den Dundschuch wegen volliger Bezahlung / wie
auch die Einbildung das die Soldaten Ihrer Ma-
jestet der Königin in Engelland mit Eyd verpflich-
tet weren / vnd also von derselben ire volle bezahlung
wol wurden können zu wegen bringen / die sach dahin
bracht / das in deren zu Medenblich ligender Besa-
zung vnd Soldaten namen auff seiner Excellenz von
Massaw schreiben dieser gestalt geantwort worden:
Sie begerten das man etliche Commissarien vnder
guter versicherung / gen Medenblich schicken vnd ab-
fertigen solte / welche alsdann daselbsten des ganzen
handels bericht einnemen vnd der Kriegsleuthen sin-
vnd meinung selbst erkundigē möchte. Darauff dan
von wolgemelter seiner Excellenz dahin geschickt sind
worden / nemlich der Herr von Samars / general O-
berster vber dz geschütz / der Herr vō Schweuenseel /
Peter Ries Burgermeister zu Harle / vnd Mr. Adria
Anthonisen Burgermeister zu Alckmar: welche als-
bald nach ihrer ankunfft so wol den Obersten vnd
Hauptleuth als den gemeinen Soldaten / seiner Ex-
cellenz vnd der Herrn Staden gute meinung vñ in-
tent zuverstehen geben / vnd sie darneben ermahnet /
das sie vermög des von ihnen gethanen Eyds ihr ehr
vnd pflicht in gute acht nemē / insonderheit aber jehi-
ge gestalt der zeit vnd das vermögen der Landen anse-
hen / vnd also sich in aller gebühr vnd redligkeit fin-
den lassen wolten ꝛc. Auff dieses nun hat sich das
Kriegs-